



At:

Sefydliadau Addysg Bellach ac Uwch yng Nghymru
Canolfannau dysgu sydd wedi cofrestru ar gyfer y cynlluniau LCA a WGLG (AB)
Y Cwmni Benthyciadau i Fyfrwyr
UCAS
UCM Cymru
Comisiynydd Plant Cymru

Mai 2017

Annwyl Gyfaill

**CYNLLUNIAU'R LWFANS CYNHALIAETH ADDYSG A GRANT DYSGU
LLYWODRAETH CYMRU (ADDYSG BELLACH) AR GYFER BLWYDDYN
ACADEMAIDD 2017/18**

Mae'r Nodyn Gwybodaeth hwn yn darparu manylion cynlluniau Lwfans Cynhaliath Addysg (LCA) a Grant Dysgu Llywodraeth Cymru (Addysg Bellach) (WGLG (AB)) ar gyfer blwyddyn academaidd 2017/18.

YMHOLIADAU

Os oes gennych unrhyw ymholiadau ynghylch y Lwfans Cynhaliath Addysg a/neu Grant Dysgu Llywodraeth Cymru (Addysg Bellach) neu'r Hysbysiad Gwybodaeth hwn, cysylltwch ag Is-adran Addysg Uwch Llywodraeth Cymru – e-bost cyllidmyfyrwyr@cymru.gsi.gov.uk. Croesawn ohebiaeth yn Gymraeg neu Saesneg.

Gellir gwneud cais am fersiynau o'r ddogfen hon mewn print bras, mewn Braille neu mewn ieithoedd eraill, a gellir lawrlwytho copi o'r Nodyn Gwybodaeth hwn yn [Gymraeg](#) neu [Saesneg](#).



i. Cynlluniau'r LCA a WGLG (AB) 2017/18

Ar gyfer blwyddyn academaidd 2017/18, bydd y dyfarniadau a'r trothwyon incwm ar gyfer y cynlluniau AB sy'n seiliedig ar brawf modd yn cael eu cynnal ar lefelau blwyddyn academaidd 2016/17. Bydd y Cwmni Benthyciadau i Fyfyrrwyr yn parhau i weinyddu ceisiadau, fel rhan o'i wasanaeth Cyllid Myfyrrwyr Cymru, ar ran Llywodraeth Cymru.

Mae gwasanaethau Cyllid Myfyrrwyr Cymru i gwsmeriaid yn cael eu darparu'n ddwyieithog a gallwch gysylltu â nhw ar 0300 200 450. Mae ffurflenni cais a chanllawiau ar gyfer blwyddyn academaidd 2017/18 ar gael i'w lawrlwytho drwy wefan Cyllid Myfyrrwyr Cymru. Mae pecynnau cais wedi eu dosbarthu i'r ysgolion a'r colegau hynny sy'n gweinyddu'r cynlluniau. Mae gwybodaeth am y cynlluniau ar gael drwy wefan Cyllid Myfyrrwyr Cymru:

www.cyllidmyfyrrwycymru.co.uk/ab
www.studentfinancewales.co.uk/fe

ii. Gwirio Incwm y Cartref yn Electronig – 2017/18

Roedd SFWIN (03/2016)¹ yn egluro y byddai'r Cwmni Benthyciadau i Fyfyrrwyr yn gweinyddu ar gyfer myfyrrwyr cymwys sy'n dychwelyd, fel rhan o'i asesiadau electronig o incwm y cartref ar gyfer blwyddyn academaidd 2016/17. Bydd trefniadau gweinyddol tebyg yn parhau ar gyfer myfyrrwyr sy'n dychwelyd ym mlwyddyn academaidd 2017/18, sef:-

Myfyrrwyr y cynlluniau LCA a WGLG (AB) sy'n dychwelyd a ddechreuodd eu cwrs/cyrsiau ar ôl blwyddyn academaidd 2015/16. Ym mlwyddyn academaidd 2017/18, bydd y myfyrrwyr hyn sy'n dychwelyd yn destun asesiad electronig fel rhan o broses gwirio sampl y Cwmni Benthyciadau i Fyfyrrwyr i ddilysu incwm y cartref. Bydd y Cwmni Benthyciadau i Fyfyrrwyr yn ysgrifennu at ddetholiad o fyfyrrwyr sy'n dychwelyd, a bydd angen i'r myfyrrwyr lenwi ffurflen asesu ariannol, gan nodi manylion am incwm y cartref ar gyfer y flwyddyn ariannol 2015-16.

Myfyrrwyr y cynlluniau LCA a WGLG (AB) sy'n dychwelyd a ddechreuodd eu cwrs/cyrsiau cyn blwyddyn academaidd 2015/2016. Ym mlwyddyn academaidd 2017/18, bydd y Cwmni Benthyciadau i Fyfyrrwyr yn parhau i wirio sampl o'r myfyrrwyr hyn sy'n dychwelyd er mwyn dilysu incwm y cartref, gan ofyn iddynt ddarparu tystiolaeth ar bapur o incwm y cartref ar gyfer y flwyddyn ariannol flaenorol (2016-17).

Os yw myfyriwr sy'n dychwelyd yn dechrau cwrs newydd/gwahanol ym mlwyddyn academaidd 2017/18 neu fod ei statws personol yn newid (e.e. newid o fod yn fyfyriwr dibynnol i fyfyriwr annibynnol), gallai'r ymgeisydd fod yn destun asesiad electronig o incwm y cartref. Os yw newid o'r fath yn digwydd, bydd y Cwmni Benthyciadau i Fyfyrrwyr yn ysgrifennu at y myfyriwr i egluro'r broses.

Bydd myfyrrwyr newydd a myfyrrwyr sy'n dychwelyd yn gallu gwneud cais o hyd am ailasesiad yn ystod y flwyddyn os yw'r incwm wedi'i ostwng yn barhaol ers eu cais cychwynnol.

¹ <http://www.cyllidmyfyrrwycymru.co.uk/media/195737/hysbysiad-gwybodaeth-cyllid-myfyrrwyr-cymru-03-2016-w.pdf>

iii. **Ffurflenni Templed ar gyfer Cytundebau Dysgu Gorfodol/Grant Dysgu y cynlluniau LCA a WGLG (AB) – Amgylchiadau Arbennig**

Mae Llywodraeth Cymru yn cydnabod y gallai fod amgylchiadau arbennig yn achos rhai pobl ifanc ac oedolion, a allai effeithio ar eu presenoldeb tra byddant yn astudio am resymau y tu hwnt i'w rheolaeth, er enghraifft, gofalwyr ifanc/gofalwyr sy'n oedolion sy'n darparu gofal yn rhad ac am ddim i aelodau o'r teulu sy'n sâl neu'n anabl.

Rydym eisoes wedi cymryd camau cadarnhaol drwy gryfhau canllawiau'r Cwmni Benthyciadau i Fyfyrrwyr ynghylch y cynlluniau LCA a WGLG (AB) ar gyfer ysgolion a cholegau mewn perthynas â phresenoldeb, gan gydnabod rôl bwysig gofalwyr ifanc/gofalwyr sy'n oedolion sydd â chyfrifoldebau gofalu di-dâl.

Er mwyn adeiladu ar y camau cadarnhaol hyn, bydd y Cwmni Benthyciadau i Fyfyrrwyr yn addasu ei dempledi ar gyfer cytundebau dysgu gorfodol y cynlluniau LCA a WGLG (AB), ar gyfer blwyddyn academaidd 2017/18. Bydd y newid hwn yn rhoi opsiwn i fyfyrrwyr ddatgelu o'u gwirfodd unrhyw amgylchiadau arbennig, a allai effeithio ar eu presenoldeb am resymau y tu hwnt i'w rheolaeth. Y nod yw cefnogi myfyrrwyr sy'n cael eu hystyried yn agored i niwed, ac a allai fod mewn perygl o beidio â chymryd rhan.

Mae'r Cwmni Benthyciadau i Fyfyrrwyr hefyd yn bwriadu newid y system ar gyfer ei borthol Canolfan Dysgu diogel ar-lein. Bwriad y newid hwn yw darparu nodyn gweledol pan fo myfyriwr wedi adrodd bod ganddo amgylchiadau arbennig drwy ei gytundeb dysgu, gan helpu ysgolion/olegau i ystyried yr holl amgylchiadau wrth wneud penderfyniadau am absenoldebau awdurdodedig a rhai heb eu hawdurdodi, mewn perthynas â chymorth y cynlluniau **LCA a WGLG (AB)**. Caiff canllawiau Canolfan Dysgu 2017/18 y Cwmni Benthyciadau i Fyfyrrwyr eu diweddarau i adlewyrchu'r newidiadau.